

**MESYUARAT KEEMPAT (BELANJAWAN 2024)
BAGI PENGGAL PERSIDANGAN KEDUA
DEWAN NEGERI JOHOR YANG KELIMA BELAS
PADA HARI SELASA, 28 NOVEMBER 2023, JAM 9.30 PAGI**

SUSUNAN PERKARA-PERKARA MESYUARAT

- 1. DOA**

- 2. PEMASYHURAN DARIPADA YANG BERHORMAT SPEAKER DEWAN NEGERI JOHOR**

- 3. SOALAN LISAN -**

YB TUAN MUSZAIDE BIN MAKMOR (SEDILI)
SOALAN 1 (A95)

Permintaan keatas permohonan Program Perumahan Rakyat Termiskin (PPRT) dalam DUN Sedili adalah sangat tinggi. Apakah Kerajaan Negeri masih ada perancangan bagi penambahan lot baru Program Perumahan Rakyat Termiskin (PPRT) ini, mohon agar ditambah dan kelulusan sebaiknya.

YB TUAN HAJI SELAMAT BIN TAKIM (SUNGAI BALANG)
SOALAN 2 (A147)

Apakah perkembangan terkini program jalur lebar untuk masjid dan Sekolah Agama Kerajaan Johor (SAKJ) dan berapakah jumlah masjid dan SAKJ yang telah menerima manfaat daripada program tersebut setakat ini?

YB PUAN SARASWATI A/P NALLATHAMBY (KEMELAH)
SOALAN 3 (A188)

Adakah pemantauan akan dilakukan secara berkala atau hanya selepas kerja-kerja turapan jalan siap dilakukan memandangkan terdapat sebahagian jalan yang diturap tidak rata serta (bahu jalan) terlalu tinggi hingga mendatangkan risiko kepada kenderaan ringan.

YB PUAN RASHIDAH BINTI ISMAIL (PASIR RAJA)
SOALAN 4 (A74)

Jika banjir berlaku sewaktu berjalannya peperiksaan awam, apa tindakan Jabatan Pendidikan Negeri Johor dan Pejabat Pendidikan Daerah bagi pelajar-pelajar yang terkesan akibat banjir?

**YB TUAN AZNAN BIN TAMIN (TANJUNG SURAT)
SOALAN 5 (A158)**

Selari dengan pembangunan Pengerang sebagai hab pembangunan sektor kimia dan petrokimia, nyatakan insentif-insentif kerajaan untuk memastikan kawasan Pengerang kekal strategik dan menjadi pilihan utama pelabur asing.

**YB PUAN HAJAH ALWIYAH BINTI TALIB (ENDAU)
SOALAN 6 (A27)**

Adakah kerajaan bersedia untuk membina dan menubuhkan satu Pusat Aktiviti Warga Emas (PAWE) di kawasan DUN Endau?

**YB DATUK MOHAMAD NAJIB BIN SAMURI (PARIT YAANI)
SOALAN 7 (A164)**

Apakah perancangan Kerajaan Negeri Johor dalam usaha meningkatkan kualiti perkhidmatan di Klinik Kesihatan Tongkang Pechah dan Parit Yaani?

**YB PUAN SARASWATI A/P NALLATHAMBY (KEMELAH)
SOALAN 8 (A187)**

Johor merupakan antara pengeluar utama buah-buahan dan sayuran di negara ini, apakah potensi dan tumpuan yang boleh di titik beratkan pengusaha tempatan bagi mengembangkan lagi sektor yang telah mereka usahakan ini.

**YB DATUK HAJI PANDAK BIN AHMAD (KOTA ISKANDAR)
SOALAN 9 (A116)**

Dalam usaha kerajaan menjalankan kempen Johor Bersih dan Lestari, apakah kaedah pengurusan sampah yang dihasilkan oleh kawasan kediaman bukan kawalan PBT dan juga setinggan. Bagaimanakah peranan agensi dalam memastikan mereka juga dapat menyumbang kepada kejayaan kempen ini.

**YB TUAN HAHASRIN BIN HASHIM (PANTI)
SOALAN 10 (A181)**

Adakah agensi seperti JKM dan Baitulmal mempunyai perancangan untuk melaksanakan proses permohonan bantuan, kemas kini data dan lain-lain secara atas talian berbanding proses secara manual seperti dipraktiskan pada masa ini?

**YB PUAN HASLINDA BINTI SALLEH (TENANG)
SOALAN 11 (A84)**

Adakah lagi inisiatif kad Sihat Johor kepada golongan B40 mendapatkan rawatan di klinik swasta dan sejauh mana pelaksanaanya serta adakah golongan B40 ini tahu? Jika tiada, apakah inisiatif yang boleh diperkenalkan kerajaan negeri untuk bantu rakyat berkaitan penjagaan kesihatan.

**YB DATUK HAJI PANDAK BIN AHMAD (KOTA ISKANDAR)
SOALAN 12 (A119)**

Persatuan Kontraktor Bumiputera Kelas G1&G2 daerah Johor Bahru mendakwa tidak dapat peluang kerja seimbang dengan bilangan lesen yang dikeluarkan. Kebanyakan kerja diberikan kepada syarikat konsesi. Apakah tindakan kerajaan membantu persatuan mereka agar terus aktif dan ahlinya tidak gulung tikar.

**YB TUAN WONG BOR YANG (SENAI)
SOALAN 13 (A149)**

Sila nyatakan perancangan Perumahan Rakyat (PPR) dan Rumah Sewa Kerajaan (RSK) Negeri Johor di Daerah Kulai, khasnya bagi Kawasan DUN Senai.

**YB DATUK MOHAMAD NAJIB BIN SAMURI (PARIT YAANI)
SOALAN 14 (A162)**

Apakah perancangan Kerajaan Negeri Johor dalam memperkasakan Kolej Yayasan Pelajaran Johor?

**YB PUAN HAJAH ALWIYAH BINTI TALIB (ENDAU)
SOALAN 15 (A23)**

Apakah pelan jangka masa pendek pihak kerajaan dalam membantu para petani khususnya pengusaha tanaman kontan menjelang tibanya Monsun Timur Laut yang sudah pasti menjelaskan aktiviti serta pendapatan mereka?

**YB TUAN LIEW CHIN TONG (PERLING)
SOALAN 16 (A130)**

Jelaskan rancangan jangka panjang dalam pengurusan sisa pepejal, termasuk "circular economy", terutamanya sebagai persediaan menjelang tamatnya konsesi SWM dalam beberapa tahun lagi.

**YB TUAN MUSZAIDE BIN MAKMOR (SEDILI)
SOALAN 17 (A96)**

Sedili akan menerima pembangunan pembinaan Hospital Pengajar, sehubungan dengan itu mohon agar kerajaan membantu pembinaan jalan perhubungan yang mana dalam masa 4 tahun mendatang tempat ini akan menerima kehadiran kenderaan yang bertambah ketika itu.

**YB TUAN CHEW CHONG SIN (MENGKIBOL)
SOALAN 18 (A206)**

Berapakah nilai pelaburan langsung asing (FDI) yang telah direalisasikan daripada Jumlah besar RM 70.6 bilion pelaburan asing bagi tahun 2022?

**YB TUAN HAJI MOHD YUSLA BIN ISMAIL (SENGGARANG)
SOALAN 19 (A174)**

Apakah insentif serta bantuan pihak kerajaan kepada masyarakat Orang Asli di Senggarang khususnya bagi mereka menambah sumber pendapatan memandangkan kebanyakannya daripada mereka tidak bekerja dan kurang berkemampuan.

**YB PUAN HASLINDA BINTI SALLEH (TENANG)
SOALAN 20 (A100)**

Apakah kerajaan negeri bercadang untuk menambah baik kemudahan modern internet di seluruh sekolah terutama di sekolah luar bandar memandangkan capaian internet oleh Kementerian Pendidikan Malaysia tidak dapat menampung penggunaan pembelajaran, pengajaran dan pengurusan sekolah secara keseluruhan?

**YB DATUK HAJI PANDAK BIN AHMAD (KOTA ISKANDAR)
SOALAN 21 (A117)**

Apakah program dan usaha agensi dibawah Pengerusi Alam Sekitar dalam memberi pendidikan berkenaan kesedaran alam sekitar, perlindungan hutan dan biodiversiti, penggunaan tenaga hijau dan kemampuan sumber boleh diperbaharui melibatkan peranan komuniti setempat, sekolah-sekolah serta IPT.

**YB PUAN NOR RASHIDAH BINTI RAMLI (PARIT RAJA)
SOALAN 22 (A216)**

Minta dinyatakan inisiatif kerajaan menggalakkan usahawan anak muda mempelopori bidang industri makanan segera atau makanan dan minuman (F&B) agar dapat bersaing dengan jenama yang berpotensi besar.

**YB PUAN FAUZIAH BINTI MISRI (PENAWAR)
SOALAN 23 (A81)**

Usaha kerajaan untuk meningkatkan literasi digital dalam kalangan usahawan PMKS khususnya di luar bandar dan apakah bentuk-bentuk bantuan atau geran yang boleh dimohon oleh mereka?

**YB TUAN CHEW CHONG SIN (MENGKIBOL)
SOALAN 24 (A202)**

Mengikut jawapan bertulis Sidang Dewan Negeri Johor pada 15 Jun 2023 RM5 Juta akan diperuntukan bagi Rancangan Tebatan Banjir Sungai Melantai, berdasarkan RJ5T. Bilakah kolam takungan banjir Sungai Melantai akan dibina dan berapakah kos projek?

YB DATO' JEFRIDIN BIN ATAN (KUKUP)
SOALAN 25 (A7)

Berapakah jumlah TMIYC yang sudah siap dibina dan beroperasi di Negeri Johor serta adakah kerajaan negeri bercadang untuk membina TMIYC Daerah Pontian di kawasan Kukup yang mempunyai kawasan yang lebih luas serta akses yang cepat setelah pembukaan Jambatan Sungai Pulai.

YB TUAN WONG BOR YANG (SENAI)
SOALAN 26 (A151)

Memandangkan jumlah respon panggilan ambulans kecemasan Hospital Temenggong Seri Majaraja Tun Ibrahim (HTSMTI) Kulai pada tahun 2022 dicatatkan sebanyak 2546 kes, tetapi HTSMTI hanya mempunyai 6 buah ambulan sahaja. Adakah kerajaan mempunyai rancangan penambahan ambulans untuk HTSMTI dalam masa terdekat?

YB PUAN HAJAH ALWIYAH BINTI TALIB (ENDAU)
SOALAN 27 (A26)

Apakah rancangan pihak kerajaan dalam mengindahkan serta menaik taraf kawasan rekreasi persisiran laut Kampung Sri Lalang bersebelahan Dataran Kembara memandangkan ianya berpotensi menjadi tempat tarikan istirehat serta riadah masyarakat setempat dan pelancong?

YB PUAN HASLINDA BINTI SALLEH (TENANG)
SOALAN 28 (A99)

Apakah perancangan jangka pendek dan jangka panjang bagi mengatasi masalah Kompleks Institut Pendidikan Tenang yang terbiar dan menjadi gajah putih serta dicemari masalah sosial seperti masalah kecurian dan menjadi sarang penagih dadah?

YB TUAN MUSZAIDE BIN MAKMOR (SEDILI)
SOALAN 29 (A94)

Mohon supaya permohonan van ambulans di Klinik Kesihatan Sedili Besar diadakan, memandangkan perkhidmatan kepada penduduk setempat hanya ada satu van ambulans sahaja di Klinik Kesihatan Tanjung Sedili yang tersedia. Sedangkan keperluan penggunaannya dalam satu-satu masa adalah sangat tinggi.

YB TUAN HAJI MOHD YUSLA BIN ISMAIL (SENGGARANG)
SOALAN 30 (A208)

Memandangkan pihak Ranhill SAJ akan membina tangki baru untuk kawasan Senggarang di Bukit Batu, apakah cadangan pihak Ranhill SAJ mengenai Tangki Senggarang lama yang tidak digunakan memandangkan kawasan tersebut tidak selenggara baik hingga ditumbuhinya semak samun / pokok-pokok besar.

YB TUAN ANUAR BIN ABD. MANAP (PEMANIS)
SOALAN 31 (A13)

Apakah usaha kerajaan bagi menggalakkan rakyat terutama pengguna motosikal menukar kenderaan mereka kepada kenderaan berasaskan elektrik atau EV? Adakah sebarang insentif yang disediakan kepada rakyat dan bilakah kerajaan dijangka akan menguatkuasakan sepenuhnya penggunaan kenderaan EV di Johor?

YB TUAN CHEN KAH ENG (STULANG)
SOALAN 32 (A112)

Dalam sesi permukiman Malaysia-Singapura baru-baru ini, apakah hasil perbincangan atau persefahaman yang dicapai dalam pembangunan Johor?

YB DATO' IR. HASNI BIN MOHAMMAD (BENUT)
SOALAN 33 (A137)

Minta dinyatakan apakah keputusan yang dicapai semasa ‘Leader’s Retreat’ Malaysia–Singapura baru-baru ini yang melibatkan kepentingan Negeri Johor secara langsung.

YB DATO' IR. HASNI BIN MOHAMMAD (BENUT)
SOALAN 34 (A136)

Minta dinyatakan sama ada kerajaan negeri akan mengkaji dan merasionalisasi peranan dan fungsi syarikat pemilikan kerajaan negeri serta memperkuuh dan menstruktur semula, jika bersesuaian.

4. SAMBUNGAN PERBAHASAN ATAS RUNDINGAN BACAAN KALI YANG KEDUA BAGI RANG UNDANG-UNDANG ENAKMEN PERBEKALAN (2024) TAHUN 2023

----- (BAHASAN YB BACK-BENCHERS) -----

Persidangan ditangguhkan sehingga hari Rabu, 29 November 2023, jam 9:30 pagi.